



REPUBLIKA E SHQIPËRISË  
UNIVERSITETI I SPORTEVE TË TIRANËS

REKTORI

Nr. 271 Prot.

Tiranë, më 24.01 2023

V E N D I M

Nr. 26 dt. 24.01 2023

**PËR**  
**SHPLLJEN E KONKURSIT PËR PRANIMIN E 2 (DY) PUNONJËSVE, PERSONEL**  
**AKADEMIK ME KOHË TË PJESSHME "LEKTOR/ ASISTENT LEKTOR" DHE**  
**"LEKTOR" NË FAKULTETIN E VEPRIMTARISË FIZIKE DHE REKREACIONIT**  
**PRANË UNIVERSITETIT TË SPORTEVE TË TIRANËS**

Mbështetur në Ligjin nr. 80/2015, "Për Arsimin e Lartë dhe Kërkimin Shkencor në IAL në Republikën e Shqipërisë", Kreu VI, PERSONELI I INSTITUCIONEVE TË ARSIMIT TË LARTË, në VKM nr. 123, datë 17.02.2010 "Për krijimin e Universitetit të Sporteve të Tiranës", në shkresën e Dekanatit të FVFR me nr. 231/1 prot., datë 23.01.2023 "Përcjellje e kërkesës për personel akademik me kohë të pjesshme pranë Departamentit të Aktivitetit Fizik, Rekreacionit dhe Turizmit, për vitin akademik 2022-2023", Rektori,

V E N D O S I:

Shpalljen në web-in <http://www.ust.edu.al> të procedurave të aplikimit për personelin akademik me kohë të pjesshme pranë Departamentit të Aktivitetit Fizik, Rekreacionit dhe Turizmit në Fakultetin e Veprimtarisë Fizike dhe Rekreacionit më poshtë:

**I. DEPARTAMENTI I AKTIVITETIT FIZIK, REKREACIONIT DHE TURIZMIT**

1. **Sporte në natyrë (Mod. Sporte dimërore) "Bachelor"** 1 (një) Lektor/Asistent Lektor.

**Kritere të përgjithshme:**

1. Kandidati duhet të ketë përfunduar studimet në fushën e kërkuar në përputhje me pozicionin e punës.
2. Kandidati që konkuron për pozicionin e punës "As/Lektor" duhet të zotërojë së paku diplomë të ciklit të dytë, Master i Shkencave ose ekuivalent me të, në fushën e kërkuar. (Diploma e lëshuar nga institucione të huaja të arsimit të lartë dhe institucione të tjera të

- autorizuara jashtë vendit, duhet të jetë njohur dhe njehsuar paraprakisht nga Ministria përgjegjëse për Arsimin në Shqipëri);
3. Kandidati duhet të ketë notë mesatare të studimeve Bachelor dhe Master i Shkencave ose ekuivalent me të mbi 8 (tetë).
  4. Kandidati duhet të zotërojë me dëshmi së paku një nga 5 gjuhët e Bashkimit Evropian (anglisht, frëngjisht, gjermanisht, italisht, spanjisht).
  5. Të mos ketë cënuar ose prishur imazhin e UST-së.
  6. Kandidati të mos jetë dënuar me vendim të formës së prerë nga gjykata.

**Kritere specifike:**

1. Të ketë zotësi të plotë për të vepruar.
2. Të ketë përvojë Akademike mësimdhënie e kërkimore në fushën përkatëse në Institucionet e Arsimit të Lartë.
3. Të ketë kryer aktivitet shkencor si: referime, botime brenda dhe jashtë vendit.
4. Vlerësohen kualifikimet dhe trajnimet e ndryshme brenda dhe jashtë vendit në nivel pasuniversitar që i përkasin fushës.

**Kritere preferenciale:**

1. Kanë preferencë kandidatët që kanë kryer kualifikime kombëtare dhe ndërkombëtare që lidhen me fushat e aktivitetit fizik dhe turizmit të aventurës/aktiv.

**2. Lënda: Turizëm “MSH”**

**1 Lektor**

- Mod. Gjeografi Turistike, Arkeologji Monumente Kulturë
- Mod. Eksplorim Turistik

**Kritere të përgjithshme:**

1. Kandidati duhet të mbajë të paktën gradën shkencore “Doktor”.  
(Grada shkencore e mbrojtur në institucione të huaja të arsimit të lartë dhe institucione të tjera të autorizuara jashtë vendit, duhet të jetë njohur dhe njehsuar paraprakisht nga Ministria përgjegjëse për Arsimin në Shqipëri);
2. Kandidati duhet të ketë përfunduar studimet në fushën e kërkuar në përputhje me pozicionin e punës.
3. Të ketë të paktën 3 vite përvojë pune në mësimdhënie në institucionet e arsimit të lartë brenda apo jashtë vendit.
4. Të ketë veprimtari kërkimore– shkencore dhe botime në disipinën përkatëse.
5. Të plotësojë kriteret e propozuara nga njësia bazë përkatëse.
6. Të përmbushë kriteret që përcaktohen nga aktet ligjore dhe nënligjore në fuqi.
7. Të mos ketë prishur apo cënuar imazhin e UST-së.
8. Dëshmi e penalitetit/formular i vetëdeklarimit.

### **Kritere specifike:**

9. Kandidati duhet të mbajë të paktën gradën shkencore “Doktor”. (Grada shkencore e mbrojtur në institucione të huaja të arsimit të lartë dhe institucione të tjera të autorizuara jashtë vendit, duhet të jetë njohur dhe njehsuar paraprakisht nga Ministria përgjegjëse për Arsimin në Shqipëri);
10. Të ketë notë mesatare të studimeve të larta mbi 8 (tetë).
11. Të ketë përvojë pune Akademike mësimdhënie e kërkimore në fushën përkatëse në Institucionet e Arsimit të Lartë brenda ose jashtë vendit.
12. Të ketë kryer aktivitet shkencor si: referime, botime brenda dhe jashtë vendit.
13. Vlerësohen kualifikimet dhe trajnimet e ndryshme brenda dhe jashtë vendit në nivel pasuniversitar që i përkasin fushës.

### **Kritere preferenciale:**

14. Kanë preferencë kandidatët që kanë kryer kualifikime kombëtare dhe ndërkombëtare në fushat e Arkeologjisë, Monumenteve të Kulturës dhe Turizmit.

## **II. Kandidatët që do të aplikojnë për këtë vend pune duhet të dorëzojnë këto dokumenta:**

- a) Formular aplikimi;
- b) Letër motivimi dhe shprehje interesi për lëndën/modulin që kandidati aplikon;
- c) Një kopje jetëshkrimi i fokusuar në eksperiencat në mësimdhënie dhe botime shkencore;
- d) Kopje e noterizuar e diplomës/ve dhe listës/ve të notave. (Diploma e lëshuar nga institucione të huaja të arsimit të lartë dhe institucione të tjera të autorizuara jashtë vendit, duhet të jetë njohur dhe njehsuar paraprakisht nga Ministria përgjegjëse për Arsimin në Shqipëri);
- e) Dokumentacionin shoqërues përkatës të nevojshëm original ose të noterizuar, sipas plotësimit të kritereve të shpallura;
- f) Të ketë zotësi të plotë për të vepruar;
- g) Vërtetim i gjendjes gjyqësore (Dëshmi penaliteti/formulari i vetëdeklarimit);
- h) Vërtetim nga qendra e punës për t’u angazhuar si pedagog me kohë të pjesshme në institucionin tonë. (n.q.s është i punësuar) (e detyrueshme) si dhe leja nga titullari i institucionit ku punon. (dorëzohet nëse shpallet fitues);
- i) Librezë shëndetësore nga Qendra Shëndetësore (dorëzohet nëse shpallet fitues).

## **III. Mënyra e dorëzimit të dokumentacionit**

Dokumentacioni i plotësuar sipas kritereve të shpallura të konkurrimit në njoftimin publik, bëhet me postë sipas afateve të shpallura:

- Vetëm paketat e aplikimit të mbërritura me anë të shërbimit postar pranohen dhe data në vulën e Postës Shqiptare do të shërbejë për të përcaktuar respektueshmërinë e afatit të aplikimit të kandidatëve.
- Në zarf duhet të shënohet adresa e saktë e aplikimit; Universiteti i Sporteve të Tiranës, Fakulteti dhe Departamenti ku konkurron.
- Mosparaqitja e saktë dhe e qartë e këtyre të dhënave përbën shkak për mospranimin e paketës së konkurentit.

#### **IV. Afati i dorëzimit të dokumentacionit nga kandidatët**

- Afati i dorëzimit të dokumentacionit nga kandidatët është 5 (pesë) ditë pune nga data e publikimit të njoftimit. Kandidati duhet të plotësojë dokumentacionin e kërkuar brenda 5 (pesë) ditëve pune nga data e publikimit të njoftimit dhe e dorëzon atë të mbyllur në zarf me rrugë postare.
- V. Të pranohet si kandidaturë qoftë dhe kur paraqitet vetëm një dosje, me kusht që kandidati të plotësojë kriteret.
- VI. Deri në datën 02.02.2023, të ngrihet pranë Departamentit, Komisioni ad-hoc, i cili brenda datës 06.02.2023 duhet të vlerësojë dosjet e paraqitura. Pas shpalljes së listës me kandidatët vlerësues, afati i pritjes së ankesave është 2 (dy) ditë.
- VII. Departamenti përkatës në bashkëpunim me Komisionin ad-hoc është përgjegjës për ruajtjen dhe arkivimin e dosjeve si dhe të kontratave të lidhura me kandidatët fitues.
- VIII. Dekanati i FVFR-së, përcjell listën përfundimtare brenda datës 09.02.2023, për miratim në Rektorat.
- IX. Për zbatimin e Vendimit, ngarkohen: Administratori, Zv.Rektori i anës mësimore, Dekani i FVFR-së, Drejtoria e Burimeve Njerëzore dhe Arkiv/Protokollit si dhe Drejtoria e Zhvillimit të Programeve dhe Dixhitalizimit të Shërbimeve Akademiko-Shkencore për shpalljen dhe hedhjen e të dhënave në *web-in* <http://www.ust.edu.al>.
- X. Ky vendim hyn në fuqi menjëherë.

**REKTORI**

**Prof. Dr. Agron KASA**

